

12. IV 1691

# ARREST DE LA COVR DES MONNOYES.

PORTANT ITERATIVES  
defenses à tous Banquiers, Changeurs,  
Balanciers, Fondeurs, Marchands Mer-  
ciers, & autres, d'auoir, se seruir ny ven-  
dre aucuns poids de marc, ny autres  
poids pour peser Especes d'or & d'ar-  
gent, qu'ils ne soient estallonnez, sur  
les peines portées par ledit Arrest.



A PARIS,  
Chez SEBASTIEN CRAMOISY, Im-  
primeur ordinaire du Roy, & en la  
Cour des Monnoyes, rue saint  
Iacques aux Cicognes.

---

M. DC. XLI.  
*Auec Priuilege de sa Majesté.*

3239  
150  
Case  
F  
39  
326

1641 fcn

THE NEWBERRY  
LIBRARY



*EXTRACT DES  
Registres de la Cour des  
Monnoyes.*

**S**UR ce qui a esté remonstré à la Cour par le Procureur general en icelle, qu'encores que par Arrest du dixseptiesme Ianuier dernier, entre autres choses, defenses ayent esté faites à toutes personnes de vendre, auoir, & se seruir d'aucuns poids pour peser or & argët, qu'ils ne fussent bien adiuſtez & estallonnez sur

4  
les originaux du Greffe de la  
Cour des Monnoyes, ou sur  
ceux tirez d'iceluy, & marquez  
d'une fleur de lys estant audit  
Greffe, suiuant la Declaration  
de sa Majesté du dixhuiëtiesme  
Octobre dernier, sur les peines  
portées par icelle, & par ledit  
Arrest : neantmoins il a receu  
& reçoit iournellement plain-  
tes de l'inobseruance de ladite  
Declaration & Arrest, tant en  
ceste ville de Paris que des Pro-  
uinces, mesmes des grands des-  
ordres qu'il y a aux poids diffe-  
rents, balances & trebuchets,  
dont les marchands & autres se  
seruent pour peser les Espèces  
de monnoyes d'or & d'argent,

5

aucuns ayans des poids forts  
pour receuoir, & des poids foi-  
bles pour faire leur payement;  
ce qui apporte beaucoup d'in-  
commodité & perte au public,  
interrompt le commerce: en  
quoy se commettent des abus  
& maluersations, pour n'estre  
lesdits poids vniformes, en sorte  
qu'une piece pesante à vn poids  
se trouue legere à vn autre; &  
outre s'exige du peuple quel-  
ques deniers pour peser les Es-  
peces, requerant y estre pour-  
ueu. LA COUR faisant droict  
sur le requisitoire dudit Procu-  
reur general, a derechef fait &  
faict tres-expreses inhibitions  
& defenses à tous Banquiers,

Chāgeurs, Balāciers, Fondeurs,  
 Marchands Merciers, & autres  
 personnes de quelque qualité  
 & condition qu'elles soient de  
 ce Royaume, d'auoir, se seruir  
 & vendre des poids de marc, &  
 autres poids pour peser Espèces  
 d'or & d'argent, qu'ils ne soient  
 bien & deuëment adiuſtez &  
 eſtallonnez ſur celuy ou ceux  
 qui auront eſté adiuſtez & eſtal-  
 lonnez aux poids originaux de  
 ladite Cour, & marquez du  
 poinçon de fleur de lys qui eſt  
 au Greſſe d'icelle, ou ſur pa-  
 reils poids qui ſont aux Greſſes  
 où il y a Monnoyes eſtablies en  
 cedit Royaume; & au regard  
 des villes où il n'y a Monnoyes,

pourront les Maires, Escheuins  
& Iuges Royaux des lieux pour  
la commodité & soulagement  
du peuple, auoir & recouurer  
en ceste dite ville, ou ailleurs, tel  
poids de marc & autres que bõ  
leur semblera, & apres auoir  
esté adiuſtez, estallonnez &  
marquez au Greffe de ladite  
Cour, ou aux Greffes des Mon-  
noyes comme dit est, sur iceux  
faire aussi adiuſter & estallõner  
les poids que les particuliers  
aurõt, & s'en voudrõt ayder &  
seruir pour peser l'or & l'argët,  
à la charge que pour plus gran-  
de precaution & assurance du  
public, & éuiter qu'il n'en soit  
abusé, lesdits poids ainsi adiu-

stez & estallonnez seront mar-  
 quez aux Greffes des Mon-  
 noyes hors Paris, d'un poinçon  
 de fleur de lys couronnée, à  
 costé de laquelle y aura gravé  
 la lettre de la ville, qui a accou-  
 stumé d'estre obseruée aux  
 Monnoyes, pour reconnoistre  
 en quelle Monnoye ledit poin-  
 çon aura esté frappé: & aux au-  
 tres villes où il n'y a Monnoye,  
 les poids adiuſtez & estallon-  
 nez seront aussi marquez d'un  
 poinçon de fleur de lys couron-  
 née, où au dessous sera gravé  
 pour differend ce que les Iuges  
 & Magistrats des lieux trouue-  
 ront bon estre, & à ceste fin se-  
 ra fait vn poinçon de fleur de  
 lys

lys pour chacune ville par les Tailleurs & Graueurs particuliers des Monnoyes, & non par autres, lesquels poinçons seront par le premier des Presidens ou Conseillers de ladite Cour trouuez sur les lieux, & en leur absence par les Generaux Pro-uinciaux, Iuges, Gardes des Monnoyes, mis & deposez ausdits Greffes desdites Monnoyes, & par les Iuges Royaux ordinaires es mains des personnes qu'ils choisiront, pour veoir ver-rifier & adiufter lesdits poids, ce fait estre appose le poinçon & marque : & sera le present Arrest ponctuellement obser-ue, à peine de confiscation des

poids qui se trouueront n'auoir esté adiuſtez , eſtallonnez , & marquez , de trois cens liures d'amende , & de plus grande amende & peines s'il y eſchet en cas de recidiue: Et en outre a la dite Cour ordonné & ordonne, que dans quinzaine apres ce iour , & les affiches miſes du preſent Arreſt, tous les poids de marc & autres pour peſer or & argēt, qui ſe trouueront en cettedite ville de Paris , & autres villes & lieux du Royaume non adiuſtez , eſtallonnez , & marquez , ſeront à la requeſte dudit Procureur general & de ſes Subſtituts , faiſis en vertu du preſent Arreſt par le premier

des Huiffiers de ladite Cour, Sergens, Archers, & autres ayans pouuoir d'exploiter, & les choses faïfies en ceste dite ville, Preuosté & Vicomté de Paris, apportées & mises au Greffe d'icelle, dont sera laissé exploict signé; & informé des contrauentions, tant à ladite Declaration du dixhuitiesme Octobre dernier, audit Arrest du dixseptiesme Ianuier ensuiuant, que au present Arrest, & les contreuenans assignez & poursuiuis en ladite Cour, à la requeste dudit Procureur general, pour voir ordonner les faïfies, & declarer les peines & amendes portées par lesdits

Declaration & Arrest, encour-  
 ruës: & au regard des saisies &  
 contrauentions faites, & qui se  
 ferót au dehors, seront portées  
 aux Greffes des Monnoyes, &  
 Greffes des Iuges Royaux &  
 ordinaires, où il n'y aura point  
 de Monnoye establie, pour en  
 estre pareillement informé, &  
 iugé sommairement par les-  
 dits Generaux Prouvinciaux,  
 Iuges & Gardes des Monnoyes,  
 & Iuges Royaux ordinaires,  
 chacun en leur ressort, que  
 ladite Cour à ceste fin a cōmis  
 & cōmet, à la charge de l'appel  
 en ladite Cour. A aussi fait &  
 fait defenses à toutes personnes  
 de prendre ny exiger aucune

chose ny salaire, sous pretexte de peser au marc ou à la piece aucunes Especes d'or & d'argent, sur les peines susdites: enjoignant au surplus ausdits Generaux Prouvinciaux, Iuges & Gardes des Monnoyes, chacun à leur regard, de tenir la main à l'execution de ladite Declaration du dixhuiëtiesme Octobre dernier, Arrest du dixseptiesme Ianuier, & du present Arrest: lequel à ce que nul n'en pretende cause d'ignorance sera affiché aux Carrefours & lieux accoustumez de ceste dite ville, & copies collationnées par le Greffier de ladite Cour enuoyées où besoin sera, & foy

adioustée sur icelles comme à  
l'original, pour y estre pareil-  
lement affiché, afin d'estre gar-  
dé & obserué. FAICT en la  
Cour des Monnoyes le douzié-  
me Aupil mil six cens quarante  
vn.

Signé, DELAISTRE.

Collationné à l'Original par moy Con-  
seiller, Secretaire du Roy & de ses  
Finances, & Greffier en chef de la  
Cour des Monnoyes souffigné,



